



Broj: 26-04-49840-32/25
Sarajevo, 21.10.2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KABINET PREDSJEDAVAJUĆEG I ZAMJENIKA PREDSJEDAVAJUĆEG SKUPŠTINE
n/r Predsjedavajući Skupštine

PREDMET: Odgovor na zastupničku inicijativu zastupnice Belme Kapo, dostavlja se
Veza Vaš akt broj: 01-04-49840-26/25 od 15.10.2025. godine

Poštovani,

Na 25. radnoj sjednici Skupštine Kantona Sarajevo, održanoj dana 15.10.2025. godine, zastupnica Belma Kapo je uputila zastupničku inicijativu:

“Polazeći od činjenice da su preventivni zdravstveni pregledi jedan od najefikasnijih načina očuvanja zdravlja zaposlenih, podnosim inicijativu da se u budžetu navedenih institucija za narednu godinu planiraju sredstva za finansiranje periodičnih sistematskih ljekarskih pregleda za sve državne službenike i namještenike u organima državne službe, kantonalnim upravama i upravnim organizacijama.

Zdravlje zaposlenih direktno utiče na efikasnost, produktivnost i kvalitet rada javne uprave. Redovni ljekarski pregledi omogućavaju rano otkrivanje hroničnih i profesionalnih oboljenja, smanjuju izostanke s posla, podižu moral zaposlenih i doprinose stvaranju radnog okruženja koje cijeni brigu o zdravlju. S obzirom na to da su državni službenici i namještenici izloženi različitim oblicima profesionalnog stresa, dugotrajnom sjedenju, radu za računarom i drugim faktorima rizika, neophodno je osigurati organizovanu i sistemsku brigu o njihovom zdravlju.

Ova inicijativa se zasniva na odredbama: Zakona o radu Federacije BiH („Službene novine FBiH”, broj 26/16 i 89/18), član 39. stav (1), koji propisuje da je poslodavac dužan osigurati zaštitu života i zdravlja radnika u skladu sa prirodom posla i uslovima rada; Zakona o zaštiti na radu Federacije BiH („Službene novine FBiH”, broj 79/20), član 20. stav (2), koji propisuje da poslodavac mora osigurati zdravstvene preglede zaposlenika u skladu sa procjenom rizika i prirodom posla; Zakona o državnoj službi u Kantonu Sarajevo, koji obavezuje organe državne službe da vode računa o uslovima rada i zdravlju zaposlenih.

Ova inicijativa ima za cilj da unaprijedi brigu o ljudskim resursima u javnoj upravi, doprinese zdravijem radnom okruženju i dugoročno poboljša kvalitet javnih usluga koje Kanton Sarajevo pruža građanima.“

ODGOVOR:

Zavod za informatiku i statistiku Kantona Sarajevo (u daljnjem tekstu: Zavod) zahvaljuje na upućenoj inicijativi i istu podržava.

U skladu sa Zakonom o zaštiti na radu („Službene novine FBiH“, broj 79/20), Zavod je donio interni akt Pravilnik o zaštiti i sigurnosti na radu u Zavodu za informatiku i statistiku Kantona Sarajevo („Službene novine Kantona Sarajevo“, broj: 22/22). Navedenim aktom propisana je obaveza Zavoda da osigura ljekarske preglede svojih zaposlenika koji se vrše svake 3 (tri) godine.

Kolektivni ugovor za službenike organa uprave i sudske vlasti u FBiH („Službene novine FBiH“, broj: 98/23), u članu 22. propisuje obavezu da se jednom godišnje organizira ljekarski pregled svih državnih službenika i namještenika.


Na osnovu prethodno navedenog i činjenice da je Zavodu u interesu zdravlje zaposlenika, Zavod svake godine planira sredstva za obavljanje sistematskih pregleda za svoje uposlenike, odnosno Zavod umjesto klasičnih ljekarskih pregleda planira sistematske preglede prilagođene na osnovu spola zaposlenika. U prošloj godini, Zavod je obavio sistematske preglede za sve svoje uposlenike, a što je planirano i u toku ove godine u zavisnosti od budžetskih sredstava. Također, prilikom pripreme zahtjeva za Budžet Kantona Sarajevo za 2026. godinu, Zavod je planirao sredstva za istu namjenu.

Za sve dodatne informacije, stojimo na raspolaganju.

S poštovanjem,

Dostaviti:

1. Naslovu;
2. a/a.


DIREKTOR

Digitally signed by Dino Šehović
Date: 2025.10.21 11:04:25
+02'00'